

Mit Gott will ick mien' Weg nu gahn,
mit em dörch 't ganze Läben.
Sien Wuurt sall mi vör Ogen stahn,
sall Licht un Kraft mi gäben.
Sien Wuurt wiest mi up Jesus Christ,
dat hei Gott's Amen för uns is
alltiet un allerwägen.

Mit Gott will ick mien' Weg nu gahn,
sien' Will'n tau eigen maken.
Nich blind de lopen achteran,
de wunner wat för Saken
verspräken daun. As Gott sien Kind
ick in sien Leiw dat Läben find
alltiet un allerwägen.

Mit Gott will ick mien' Weg nu gahn,
hei ward mi nich loslaten.
Wenn Sorg un Bangen mi gahn an,
will 'k faster sien Hand faten.
Ok gah ick nich för mi allein;
dor gahn väl mit in sien Gemein
alltiet un allerwägen.

Mel: Sei Lob und Ehr dem höchsten Gut.
Bearbeitung: Chr. Voß